

09 FEB 2003

DR MAHATHIR BERLEPAS PULANG KE IBU NEGARA

LANGKAWI, 9 Feb (Bernama) -- Perdana Menteri Datuk Seri Dr Mahathir Mohamad hari ini berlepas pulang ke ibu negara setelah melakukan lawatan dua hari ke sini.

Sebelum menaiki pesawat, Dr Mahathir dan isteri Datin Seri Dr Siti Hasmah Mohamed Ali sempat meluangkan masa selama setengah jam meninjau kompleks membeli belah Sky Mall di Lapangan Terbang Antarabangsa Langkawi.

Yang turut mengiringi Perdana Menteri sebelum berlepas pulang ke ibu negara ialah Menteri Besar Datuk Seri Syed Razak Syed Zain dan Setiausaha Parlimen Kementerian Pertanian yang juga anggota Parlimen Langkawi Datuk Abu Bakar Taib.

Dr Mahathir tiba di pulau peranginan ini Jumaat lepas dan melakukan lawatan serta meninjau beberapa projek pembangunan di sekitar Langkawi.

-- BERNAMA

NH MAN RON